

TILSKIPUN FRAMKVÆMDASTJÓRNARINNAR 1999/61/EB

frá 18. júní 1999

um breytingu á viðaukum við tilskipun ráðsins 79/373/EBE og 96/25/EB

(Texti sem varðar EES)

FRAMKVÆMDASTJÓRN EVRÓPUBANDALAGANNA
HEFUR,

með hliðsjón af stofnsáttmála Evrópubandalagsins,

með hliðsjón af tilskipun ráðsins 79/373/EBE frá 2. apríl 1979 um markaðssetningu blandaðs fóðurs ⁽¹⁾, eins og henni var síðast breytt með tilskipun 98/87/EB ⁽²⁾, einkum e-lið 10. gr.,með hliðsjón af tilskipun ráðsins 96/25/EB frá 29. apríl 1996 um dreifingu fóðurefnis, um breytingu á tilskipunum 70/524/EBE, 74/63/EBE, 82/471/EBE og 93/74/EBE og niðurfellingu á tilskipun 77/101/EBE ⁽³⁾, eins og henni var breytt með tilskipun framkvæmdastjórnarinnar 98/67/EB ⁽⁴⁾, einkum b-lið 11. gr.,

og að teknu tilliti til eftirfarandi:

- 1) Með ákvörðun framkvæmdastjórnarinnar 94/381/EB frá 27. júní 1994 um tilteknar verndarráðstafanir vegna heilahrömunar í nautgripum og notkun spendýraprótna í fóðri ⁽⁵⁾, eins og henni var síðast breytt með ákvörðun 1999/129/EB ⁽⁶⁾, var bannað að fódra jörturdýr með prótínum unnum úr vefjum spendýra, en undanþága veitt vegna sumra afurða, enda séu þær ekki taldar heilsuspillandi.
- 2) Með ákvörðun 1999/129/EB var skráin fyrir afurðir, sem njóta undanþágu, aukin þannig að hún nái yfir „vatnsrofin prótín sem hafa minni mólþunga en 10 000 dalton og eru unnin úr húðum og skinnum dýra“, að því tilskildu að þau séu framleidd við sérstök skilyrði.
- 3) Til hagræðingar og til að stuðla að lagalegu samræmi er í ákvörðun framkvæmdastjórnarinnar 1999/420/EB ⁽⁷⁾ mælt fyrir um breytingu á ákvörðun framkvæmdastjórnarinnar 91/516/EBE um gerð skráar yfir innihaldsefni sem bannað er að nota í blandað fóður ⁽⁸⁾.
- 4) Í tilskipun 96/25/EB og 79/373/EBE er annars vegar mælt fyrir um tiltölulega almennar og hins vegar um sértækar reglur um merkingar á fóðurefnum og fóðurblöndum. Svo að komast megi hjá því að notendur fóðurefna, sem unnin eru úr tilteknum vefjum dýra, gefi jörturdýrum þau, vegna vankunnáttu á gildandi reglum um fóður og dýraheilbrigði, er í þessum tilskipunum kveðið á um

viðeigandi merkingar slíkra fóðurefna þar sem athygli er vakin á því banni sem gildir um notkun þeirra í fóður jörturdýra og þar er einnig að finna skrá yfir undanþegnar afurðir. Af þessum sökum ber að breyta þessari skrá.

- 5) Ráðstafanir, sem kveðið er á um í þessari tilskipun, eru í samræmi við álit fastanefndarinnar um fóður.

SAMÞYKKT TILSKIPUN ÞESSA:

I. gr.

Í stað þriðja undirliðar í annarri málsgrein liðar 7.1 í A-hluta viðauka við tilskipun 79/373/EBE komi eftirfarandi texti:

„— vatnsrofin prótín sem hafa minni mólþunga en 10 000 dalton og eru:

- i) unnin úr húðum og skinnum dýra, sem hefur verið slátrað í sláturhúsi og opinber dýralæknir skoðaði fyrir slátrun í samræmi við VI. kafla I. viðauka við tilskipun 64/433/EBE og voru, á grundvelli slíkrar skoðunar, dæmd hæf til slátrunar að því er varðar þá tilskipun,

og

- ii) framleidd með framleiðsluaðferð sem felur í sér viðeigandi ráðstafanir til að halda í lágmarki mengun húða og skinna og þar sem húðir og skinn eru meðhöndluð með söltun, kölkun og vandlegri skolun og síðan er efnið haft við sýrustig > 11 í > 3 klukkustundir við hita > 80 °C og á eftir fylgir hitameðferð við > 140 °C í 30 mínútur við > 3,6 bör eða samkvæmt jafngildri framleiðsluaðferð sem framkvæmdastjórnin samþykkir að höfðu samráði við hlutaðeigandi vísindanefnd,

og

- iii) frá starfsstöðvum sem styðjast við eigið innra eftirlitskerfi (áhættugreiningu á mikilvægum eftirlitsstöðum (HACCP)).

⁽¹⁾ Stjtuð. EB L 86, 6.4.1979, bls. 30.⁽²⁾ Stjtuð. EB L 318, 27.11.1998, bls. 43.⁽³⁾ Stjtuð. EB L 125, 23.5.1996, bls. 35.⁽⁴⁾ Stjtuð. EB L 261, 24.9.1998, bls. 10.⁽⁵⁾ Stjtuð. EB L 172, 7.7.1994, bls. 23.⁽⁶⁾ Stjtuð. EB L 41, 16.2.1999, bls. 14.⁽⁷⁾ Stjtuð. EB L 162, 26.6.1999, bls. 69.⁽⁸⁾ Stjtuð. EB L 281, 9.10.1991, bls. 23.

2. gr.

Í stað þriðja undirliðar í annarri málsgrein 1. liðar í A-hluta VIII. kafla viðauka við tilskipun 96/25/EBE komi eftirfarandi texti:

— vatnsrofin prótín sem hafa minni mólþunga en 10 000 dalton og eru:

i) unnin úr húðum og skinnum dýra sem hefur verið slátrað í sláturhúsi og opinber dýralæknir skoðaði fyrir slátrun í samræmi við VI. kafla I. viðauka við tilskipun 64/433/EBE og voru, á grundvelli slíkrar skoðunar, dæmd hæf til slátrunar að því er varðar þá tilskipun,

og

ii) framleidd samkvæmt aðferð sem felur í sér viðeigandi ráðstafanir til að halda í lágmarki mengun húða og skinna og þar sem húðir og skinn eru meðhöndluð með söltun, kölkun og vandlegri skolun og síðan er efnið haft við sýrustig > 11 í > 3 klukkustundir við hita > 80 °C og á eftir fylgir hitameðferð við > 140 °C í 30 mínútur við $> 3,6$ bör eða samkvæmt jafngildri framleiðsluáferð sem framkvæmdastjórnin samþykkir að höfðu samráði við hlutaðeigandi vísindanefnd,

og

iii) frá starfsstöðvum sem styðjast við eigið innra eftirlitskerfi (áhættugreiningu á mikilvægum eftirlitsstöðum (HACCP)).

3. gr.

1. Aðildarríkin skulu eigi síðar en 31. október 1999 samþykkja nauðsynleg lög og stjórnáslufyrirmæli til að fara að ákvæðum þessarar tilskipunar. Þau skulu tilkynna það framkvæmdastjórninni þegar í stað.

Þegar aðildarríkin samþykkja þessar ráðstafanir skal vera í þeim tilvísun í þessa tilskipun eða þeim fylgja slík tilvísun þegar þær eru birtar opinberlega. Aðildarríkin skulu setja nánari reglur um slíka tilvísun.

2. Aðildarríkin skulu senda framkvæmdastjórninni þau ákvæði úr landslögum sem þau samþykkja á því sviði sem þessi tilskipun nær til.

4. gr.

Tilskipun þessi öðlast gildi á þriðja degi eftir að hún birtist í *Stjórnartíðindum Evrópubandalaganna*.

5. gr.

Tilskipun þessari er beint til aðildarríkjanna.

Gjört í Brussel 18. júní 1999.

Fyrir hönd framkvæmdastjórnarinnar,

Franz FISCHLER

framkvæmdastjóri.